

Ilinniarnernup aaqqissugaanera

Piginnaasakinnerusunik perorsaasunngorniarnermik
ilinniagaq

perorsaasutut sulisunut sammivilik



Perorsaanermik Ilinniarfik

Socialpædagogisk Seminarium

PI/SPS



Imarisai

1. Siulequt.....	2
Inatsisitigut tunngavik	2
2. Tiguneqarnissamut piumasaqaatit.....	3
3. Ilinniakkap naammassereernerani piginnaasat.....	3
Ilikkagassatut anguniakkat	4
Ilisimasat	4
Pisinnaasat	4
Piginnaasat	4
4. Ilinniakkap sivisussusaa aaqqissuussaanelu.....	4
5. Modulit imarisai	5
6. Misilitsinnerit.....	6
Misilitseqqinneq napparsimallunilu soraarummeerneq pillugit aalajangersakkat	7
Annertunerpaamik ilinniarnep sivisussusissaa	7
7. Atuaitseriaatsit aamma suleriaatsit	7
8. Naliliineq.....	8
9. Ilinniarnermi takkuttussaataaneq peqataanerlu	8
10. Merit aamma pisussaajunnaarsitsineq	8
11. Ilinniarunnaarallarneq	9
12. Immikkut akuersissuteqarnermut aalajangersakkat.....	9
13. Naammagittaalliutit	9
14. Ilinniarnermi aqqutissiuunneqarneq.....	9

1. Siulequt

Kalaallit Nunaat tamakkerlugu ulluunerani paaqqinnittarfinni kiisalu ulloq unnuarlu angerlarsimaffinni piginnaasakinnerusunik perorsaanermi ilisimasanik meeqqanik, inuusuttunik inersimasunillu pisinnaasakitsunik assigiinngitsunik eqimattanik perorsaanikkut sulinermit piumasaqaataasumik pisariaqartitsisoqarpoq.

Piginnaasakinnerusunik Perorsaasunnigorniarnermik Ilinniagaq inuusutissarsiornermut, aalajangersimasumik sammivilimmik aamma ineriartornermik tunngaveqartumik ingerlariaqqiffiusumik ilinniagaavoq, sulisunut aalajangersimasumik sammiviit iluanni, inunnik perorsaanermik suliaqartunut ilinniagaqarsimasunut sammivilik.

Piginnaasakinnerusunik perorsaaneq matumani inuit pisinnaasakinnerusut pillugit ilikkartitsiniarnermut ineriartortitsiniarnermullu piginnaasaavoq misilittagaallunilu. Piginnaasakinnerusunik Perorsaanermik Ilinniakkami ilisimasanik tunngavigisaq suliaqartinnit arlalinnit ilisimasanik tunngaveqarpoq ass. perorsaaneq, psykologii, sociologii, neuropædagogik, piginnaanngorsaaqqinneq, ineriartornermi ilikkariartornermilu teoriit.

Piginnaasakinneruneq timikkut eqqarsartaatsikkulluunniit annaasaqarnermut piginnaasakillinernulluunniit ataatsimut nassuiaataavoq. Inuup piginnaasaqassusaata kiisalu avatangiisiisa sunniivigeqatigiinnerisa, aalajangertarpaat piginnaasakinnerup isumaqassusaa taamaasillunilu inuup innarluutaa.

Piginnaasakinnerusunik perorsaaneq, inuttut, kulturikkut inuiaqatigiillu isiginnittaatsikkut piginnaasanik perorsarsimassutsimillu ilisimatusarnermut tunngavoq. Ilikkagassatut anguniakkat nalinginnaasut ataasiakkaallu immikkut ukkatarineqarput, ataasiakkaat pisariaqartitaat, kajumissusaat, piginnaasaat ilippanaataallu aallaavigalugit imarisanik periutsinillu aalajangerneqartunik, atuartitsinernullu pilersaarusiornermut, naammassinninnermut naliliinermullu perorsaanermi immikkut pullaveqarnissaq pisariaqartinneqarpoq.

Ilinniarnep nalaani pingartinneqarput, teorii aamma atuakkat Kalaallit Nunaanni inuiaqatigiinnut tulluussarneqarnissaasa eqqarsaatigineqarnissaa. Ilinniartup illoqarfinni nunaqarfinnilu inunnik naapitsisarnermini sulinerminit misilittagai piginnaasakinnerusunik perorsaanermik suliaqarnermut najukkami periarfissanut qanimut attuumassuteqarnissaat qulakkeerniarlugu ilanngunneqassapput.

Piginnaasakinnerusunik perorsaanermi ilinniakkamik siunertaavoq, ilinniartut piginnaasakinnerusunik suliaqarfiup iluani piginnaasaqalernissaat, piginnaasakinnerusunik perorsaanermik suliasanik tiguisinnaanissamut, ataasiakkaanik inuunermik pitsaasumik, piginnaasaqarfiusumik, namminersorfiusumik, innarluuteqarnermut iluarsiiiffiusumik kiisalu inuiaqatigiinnut peqataaffiusumik - inuunermik peqqinnermik siuarsaaffiusumik tapersersuillunilu nukittorsaasumik.

Perorsaanermik Ilinniarfimmi / Socialpædagogisk Seminarium (PI/SPS)-imi Piginnaasakinnerusunik Perorsaanermi Ilinniakkamut uunga ilinniarnep aqqissugaanera una uppersaataavoq, malittarisassanik aalajangersaasoq, ilinniakkap inatsisini, peqqussutini, nalunaarutini allanilu aalajangersakkani sinaakkutit iluanni qanoq aqqissuunneqarnera pillugu.

Inatsisitigut tunngavik

Piginnaasakinnerusunik Perorsaanermi Ilinniakkami inatsisit tunngavigineqarput

- Qaffasinnerusumik ilinniartitaanerit pillugit Inatsisartut inatsisaat nr. 14, 12. juni 2019-imeersoq
- Kalaallit Nunaanni ilinniarkinik misilitsinnernik ingerlatsinermit, naliliinernut kiisalu karakterilersuisarnermut aalajangersakkat (Greenlandic Grading System, 2008).

Ilinniarnep aqqissugaanerani aalajangersakkat allat Perorsaanermik Ilinniarkiup / Socialpædagogisk seminarium Siulersuisunit aalajangerneqarput Ilinniartitaanermullu Naalakkersuisoqarfimmit

akuersissutigineqarlutik.

Ilinniakkap kalaallisut, qallunaatut tuluttullu taaguutaa

Grl: Piginnaasakinnerusunik Perorsaanermi Ilinniagaq

DK: Specialpædagogisk Diplomuddannelse

GB: Diploma of Special Education

2. Tiguneqarnissamut piumasaqaatit

Ilinniartut Piginnaasakinnerusunik Perorsaanermi Ilinniakkamut imaluunniit modulunut ataasiakkaanut tiguneqartarput qinnuteqartoq:

- Ingerlariaqqiffiusumik ilinniakkamik isissutaasinnaasumik minnerpaamik inuussutissarsiummik ilinniagartuutut ilinniakkatut qaffasissusilimmik naleqquttumik naammassinnissimassasoq,
- Ilinniakkamik isissutaasinnaasumik nammassinnereernerup kingorna naleqquttumik perorsaanermi inuussutissarsiornermi minnerpaamik ukiuni 2-ni misilittagaqassasoq,
- Qallunaatut atuarsinnaanermut, paasisinnaanermut oqaasertalersuisinnaanermullu oqaatsitigut piginnaasaqassasoq aamma
- Sulisitsisumut ilinniarnissamut isumaqatigiissuteqassasoq.

PI/SPS-ip aamma qinnuteqartut qulaani piumasaqaatinik naammassinnissimangitsut tigusinnaavai, kisianni Piginnaanernik Pigineqareersunik naliliineq tunngavigalugu qulaani tiguneqarnissamut piumasaqaatinut taaneqartunut ilinniagaqarnikkut sulinikkullu tunngaveqartutut nalilerneqarpata. Piginnaanernik Pigineqareersunik Nalilersuineq (RKV) PI/SPS-imit suliarineqassaaq ilinniagaqarnermut inuussutissarsiornermullu misilittakkat pillugit uppersaait nassiunneqartut ataatsimut isigineri kiisalu ilinniarnep aallartinnginnerani oqaloqatigiinneq aamma/imaluunniit tiguneqarnissamut misilitsinneq aallaavigalugit.

Piginnaasakinnerusunik Perorsaanermi Ilinniakkamut qinnuteqarnissamut killigititaq ukiumoortumik 1. martsiuvoq tak. Qaffasinnerusumik ilinniartitaanerit pillugit Inatsisartut inatsisaat.

Qinnuteqartut, ataatsimut ilinniakkamut tigusaanissamut piumasaqaatinik qulaaniittunik naammassinnittut amerlavallaarpata, piginnaasakinnerusunik perorsaanermik suliaqarnermik inuussutissarsiornermi ukiuni amerlanerni misilittagalit pingaarnersiorneqassapput.

Ilinniartut Piginnaasakinnerusunik Perorsaanermi Ilinniakkamut tiguneqartut modulunut ataasiakkaanut tiguneqartunit pingaarnersiorneqassapput, taamaasillutik modulunut ataasiakkaanut qinnuteqartut "inissanik sinneruttunik" neqeroorfigineqartassallutik. Modulunut ataasiakkaanut inissanut sinneruttunut tigusinerit, unitsitsisoqarnerani inissanik nutaanik peqalernerani ingerlaavartumik pisinnaavoq. Ilinniarnermut tigusaanissamut piumasaqaatit naammassineqarsimassapput, inissanillu tunniussineq siullernut tunniunneqartassaaq.

Ilinniagaq pilersinneqassaaq naammassineqassallunilu minnerpaamik 12-inik ilinniartoqarluni, tak. qulaani tiguneqarnissamut piumasaqaatit aallaavigalugit tiguneqartunik. Holdimi/modulimi annerpaamik 24-nik ilinniartunik tigusisoqarsinnaavoq.

3. Ilinniakkap naammassinerani piginnaasat

Piginnaasakinnerusunik Perorsaanermi Ilinniakkamik siunertaavoq, ilinniartup piginnaasakinnerusunik perorsaanermik suliaqarfiup iluani piginnaasanik angusaqassasoq, nammineq sulinermut qanimut iliuuseqateqarfigalugu.

Ilinniartup ilinniarnermi nalaani sullinniakkanut aalajangersimasunut atatillugu piginnaasakinnerusunik perorsaanermik piginnaasaminik nammineq ineriartortitsissaaq, perorsaanermilu suliaasanik namminersorluni sulinissamut piginnaasaqalissasoq, ass. pilersaaruserneq, aqqissuussineq, suliaasanik

ineriartortitsineq, aqqutissiuusineq, ingerlatitseqqiineq, ilikkartitsineq aamma inoqatinik peqataatitsineq piginnaasakinnerusunik perorsaanermit isigalugit.

Ilikkagassatut anguniakkat

Piginnaasakinnerusunik Perorsaanermi Ilinniakkami ilinniartup piginnaasakinnerusunik suliaqarluni perorsaanermik atorfeqarnerup iluani ilisimasanik, pisinnaasanik piginnaasanillu pissarsissaaq, taamaasilluni ilinniartup ilinniarnertup naammaassinertani:

Ilisimasat

- Ilisimasat, periutsit sulinerullu akornanni ataqatigiinnerit ilisimalersimassallugit
- Teoriit, periutsit sulinerlu paasisinnaassallugit isumaliutersuutigisinnaassallugillu
- Ilisimasamik, periutsinik aqqissuussaasunik kiisalu sulinermi ileqqorissaarnermik atuilluni perorsaanermi sulinermik ineriartortitsinermut atatillugu ajornartorsiutinik ilisimasaqalersimassalluni.

Pisinnaasat

- Piginnaasakinnerusunik perorsaanermit isigalugu perorsaanermi ajornartorsiutinik misissuinermut periutsinik kiisalu perorsaanermi teoriinik atuisinnaassalluni, tunngavilersuisinnaassalluni toqqaasinnaassallunilu
- Periutsit aqqissuussaasut, perorsaanermi ilisimatusarnerit kiisalu sulinermi ileqqorissaarneq atorlugit perorsaanermi sulinermik naliliisinnaassasoq
- Atuisut suleqatillu allat suleqatigalugit piginnaasakinnerusunik perorsaanermik suliaqarnermik ineriartortitsinermut suliniutinik ingerlatitseqqiisinaallunilu tunngavilersuisinnaassasoq.
- Nammineq piginnaasakinnerusunik perorsaanermik suliaqarnermut suliniutinik ineriartornissamullu anguniakkanik nalilersuinermut naliliisariaatsinik isumaliutersuutinillu atorsinnaalersimassasoq.

Piginnaasat

- Perorsaanermik sulinermi ajornartorsiutinik arlariaanik isumaginnissinnaassasoq.
- Perorsaanermik sulinermik ineriartortitsinissamut nammineerluni allallu suleqatigalugit periutsinik, perorsaanermi ilisimasanik sulinermilu ileqqorissaarnermik timitaliisinnaassasoq.
- Nammineq perorsaanermi sulinermik kiisalu sulinermi kinaassutsimik isumaliutiginnissinnaassasoq kiisalu ineriartortitseqqissinnaalluni
- Inuttut sulisutullu suleriaatsimut sunniuteqartunik nammineq pingaartitanik, isummanik inuunermilu misilittakkanik ilisimaarinnineq.

4. Ilinniakkap sivilissusaa aqqissuussaanelu

Ilinniakkap / modulit sivilissusaa ECTS-inut naatsorsorneqassapput, ilinniarnermi katillugu sulinermit piffissatut atugassatut naatsorsuutigineqartumik nalunaarsuutaasoq. Ilinniarnermi sammisassat assigiinngitsut tamarmik, ilinniakkamut attuumassuteqartut ilanngunneqarput, matuma ataani ilaatigut modulini atuartsinerit skemaliussat, nammineq ilinniarneq, studiegruppimi sammisaqarnerit, suliniutinikk suliaqarnerit, sumiiffimmi sulinerit, allaaserinnilluni suliassat, misileraanerit, caset, misilitsinnerit allatullu nalilersortinnerit

Ilinniagaq ukiumut ukiumut ataatsimut annertussuseqartutut aalajangersarneqarpoq katillugu 60 ECTS pointeartumik - katillugit 1.650 tiimit missaanni suliaqarfiusussatut. Ilinniagaq ukiuni 2-ni sivilissuseqarpoq, modulinnu pinngitsoorani peqataaffigissannut 5-inut 10 ECTS pointilinnut - modulimut 275 tiimit missaannik suliaqarfiusussannut kiisalu modulinnut nammineq toqqagassannut 2-nut tamarmik 5 ECTS pointilinnut - modulimut toqqakkamut ataatsimut 140 tiimit missaannik suliaqarfiusussamut

agguarneqarluni.

Ilinniartut modulini Ilulissani Perorsaaneramik Ilinniarfimmi atuariartorlutik katersuuttassapput, ilinniakkami pingaaruteqarlunnarmat, ilinniartut nalinginnaasumik suliffimi avatangiisimilu avataani ilikkariartorfissami naapittarnissaat, taamaasillutik akornusersorneqarnatik atuartitsinermit suliatigullu misileraanermit pulalluarsinnaaniassammata.

Modulit nalinginnaasumik ulluni 7-9-ni sivirususeqartarput, atuartitsinerup saniatigut nammineq ilinniarnissamut pilersaaruteqarpoq, tassani piginnaasakinnerusunik perorsaanermit isiginnittaatsinut toqqakkanut atatillugu perorsaanermit ilisimasat periutsillu sulissutigineqartassallutik. Unnukut aamma sapaatip-akunnerisa naanerini atuartitsisoqartarsinnaavoq.

Modulit akornanni ilinniartuq aamma studiegruppinit ilinniaqatinullu saqqummiinissamut attaveqarnissamut isumaqatigiissuteqarnissamullu, modulit akornanni malittareqqiinermit piareersarnermullu ilaatigut atuakkanik atuarnikkut, ulluinnarni sulinermit sungiusarnerup nanginneranut, kiisalu allattariarsorluni allatullu suliasanik pinngitsoorsinnaanngisanik piffissaliisassaaq.

PI/SPS-ip innersuussutigaa, ilinniartup modulit akornanni studiegruppit imaluunniit ilinniaqatit saqqummiiffigisartakkat naapittassagai, piffissani taakkunani nammineq ilinniagassatut suliasanik suliaqartoqartartussaammat.

5. Modulit imarisai

Modulit tamarmik aqqissuunneqartarput, ilinniartut nammineq perorsaanermit sulinerminnik sullinniakkaminnullu nalilersuillutillu ineriartortitsisinnaanissaannut ikiuutaasussanik perorsaanermit suleriaatsinik, periutsinik, atortussanik ikiutissanillu ilisimasaqalerlutillu paasinninissaat pillugu.

Piginnaasakinnerusunik Perorsaanermit Ilinniakkamut tamarmut ilinniartut katillugit 60 ECTS pointinnassapput, taakkunani 50 ECTS moduliussallutik pinngitsoorneqarsinnaanngitsut kiisalu 10 ECTS moduliussallutik marluk toqqarneqarsinnaasut immikkut tamarmik 5 ECTS pointinik nalillit.

Modul 1: Nalitsinni piginnaasakinnerusunik perorsaanermit ilisaritsineq. Ilisimatusarnermit teorii aamma periutsit.

Inatsisartut inatsisaat, Inuit Pisinnaatitaaffii, FN-imi isumaqatigiissutit aamma nunarsuarmi anguniakkat, il.il.

Sulinermit ileqqorissaarneq aamma suliasanut paasinnineq - Piginnaasakinnerusunik perorsaanermit tunngaviumik naleqartitat.

Perorsaanermit professionalineq aamma inuttut peqataanermik isummorsoneq

MODULI PINNGITSOORSINNAANNGISAQ / 10 ECTS

Modul 2: Neuropsykiatriskimi qanoq-issutsit

Isumaginninnermit perorsaanermit isiginnittaatsit kiisalu periutsit sullinniakkanut assigiinngitsunut perorsaanermit sulinermit, soorlu ass. Innuttaasut tulluuttunik nappaatillit ADHD, Autisme Spektrum Forstyrrelser (ASF), skizofreni aamma bipolare lidelser. Inuunermit isiginnittaaseqarluni isumaginnissinnaaneq piginnaasanullu periarfissat

MODULI PINNGITSOORSINNAANNGISAQ / 10 ECTS

Modul 3: Aalariatsitigut ajornartorsiutit aamma arlariinnik pisinnaasakinnerq

Aalariatsitigut ajornartorsiutinut aamma arlariinnik pisinnaasakinnermit pissutsit assigiinngitsut

Aalariatsitigut ineriartornermit, timi aamma aalasarneq, attaveqatigiinneq pilluhoy fysiologiskimik neuropsykologiskimillu teorit

MODULI PINNGITSOORSINNAANNGISAQ / 10 ECTS

Modul 4: Meeqqat siusissukkut innarlerneqarsimasut

Siusissukkut innarlerneqarnermut, sumiginnagaanermut, naartumik innarliinermut inuuniarnermilu pissutsinut pissutsit

Atassuteqarnissamat akornuteqarneq. Meeqqat immikkut eqqortiasut, siusissukkut inuttut misigissutsitigullu innarlerneqarsimasut. Ineriartornermi alloriarfiit aamma pissusilersuutit

MODULI PINNGITSOORSINNAANNGISAO / 10 ECTS

Modul 5A: Perorsaanerme suliniutinik aqqissuussineq

Aqutsineq periusissiallu, suliaasaqarfiit akornanni suleqatigiinneq, perorsaanerme siuariartorneq - aamma suliniutinik inerisaaneq

Uppernarsaaneq aamma sulianik suliaqarneq, allattuisussaataaneq aamma nalunaaruteqarnerit.

MODULI TOQQARNEQARSINNAASOQ / 5 ECTS

Modul 5B: Perorsaanerme suliatiqut siunersueqateqarneq

Aaqqiagiinnginnernik aaqqiiniaasarneq - pissaanermik atuineq

Suleqatiginik suliatiqut siunersueqateqarneq, suleqatigiinni supervision aamma aqqutissiuussineq

MODULI TOQQARNEQARSINNAASOQ / 5 ECTS

Modul 5C: Isumassuineq, eqqiluitsuuneq aamma atugarissaarneq

NERISAT timersornerlu, seksualiteti, eqqiluisaarneq aamma nakorsaasersuineq

MODULI TOQQARNEQARSINNAASOQ / 5 ECTS

Modul 5D: Maluginiutsitigut pisinnaasakinneq

Maluginiutsitigut pisinnaasakinnermut imaluunniit pisinnaasakinnermut arlallinnut atatillugu teoriit ilisimatusarnermilu inernerit

Pisinnaasakissutsinut/nappaatinut assigiinngitsunut atatillugu sullinniakkanik erseqqissaaneq

MODULI TOQQARNEQARSINNAASOQ / 5 ECTS

6. modul: Projektimik suliaqarneq tunniussinerlu

PINNGITSOORSINNAANNGISAOQ / 10 ECTS

Modulit imarisaat ataqatigiissaagaanerallu PI/SPS-imi ingerlaavartumik nalilersorneqartassaaq, perorsaanermik suliaqarnermi immikkut ilisimatusarnissamat pisariaqartitsinerme tulluarsaanissamat periarfissaqartumik. PI/SPS-ip pisariaqartitanik qulaajaanissamat atatillugu suleqatigissavai Meeqqanut, Inuusuttunut Ilaqutariinnullu Naalakkersuisoqarfik, Isumaginninnermut, Suliffeqarnermut Nunamullu Namminermut Naalakkersuisoqarfik aamma Isumaginninnermut Aqutsisoqarfik.

Modulit toqqarneqarsinnaasut Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup isumaqatigiissutigineqarneratigut taaarserneqarsinnaapput imaluunniit faginik allanik ilaneqarsinnaallutik, taamaasilluni ilinniakkamik qaqugukkulluunniit perorsaanermik suliaasaqarfunu immikkut ilisimatusarnissamat pisariaqartitsinerneq naammassinnissinnaassamat. Ass. Moduli toqqarneqarsinnaasoq tassaasinnaavoq professionalimik angajoqqaarsiaasartunut sammiveqartoq.

6. Misilitsinnerit

Modulit tamarmik misilitsinnermik naammassineqartassapput, taanna illup iluani censorimit akuerineqartassaaq / angusiffigineqartassaaq.

Misilitsinnerit tassaasinnaapput oqaluttariarsorluni, allattariarsorluni aamma assit/videoliat atorlugit saqqummiinerit imaluunniit taakku akuleriillugit. Misilitsinnernut tamanut piumasaaqateqarlunilu sinaakkuteqassaaq, taakku modulip aallartinnissaa sioqqullugu PI/SPS-imit atuarnermi atortuni saqqummiunneqassapput.

Modul 6 naammassineqassaaq sulinermut tunngasunik misilitsinnikkut. Piginnaasakinnerusunik Perorsaasunngorniarnermik Ilinniakkami inaarutaasumik misilitsinnissamat inassuteqarnissamat

piumasaqaataavoq, modulit 1 - 5 akuerineqarsimanissaat, inaarutaasumik projektip nalilersorneqartussanngorlugu tunniunneqannginnerani.

Misilitsinneq inaarutaasoq avataanit censorimit nalilersorneqassaaq, kiisalu Kalaallit Nunaanni karakteriliisariaaseq GGS atorlugu nalilerneqassalluni. Ilinniartitaanermut Naalakkersuisoqarfimmit censoritut akuerisaq atorneqassaaq.

Piginnaasakinnerusunik Perorsaasunngorniarnermik Ilinniakkamik angusinermi PI/SPS-imit ataatsimut misilitsinnernut uppersarsaat tunniunneqassaaq, matumalu kingorna ilinniartuq qulequttamik taasinnaalissaaq: Piginnaasakinnerusunik Perorsaasoq.

Misilitseqqinneq napparsimallunilu soraarummeerneq pillugit aalajangersakkat

Ilinniartunut, napparsimanertik, nakorsamit uppersarsarneqarsimasoq imaluunniit akuerisaasumik pisinnaannginnertik pissutigalugu misilitsinnernut peqataasimanngitsunut, ilinniartuup aalajangiineratigut napparsimalluni soraarummeerneq ingerlanneqassaaq. Misilitseqqinneq napparsimallunilu soraarummeerneq misilitsinnerup kingorna sapinngisamik piaarnerpaamik pissaaq, kingusinnerpaamillu tulliani fagimi nalinginnaasumik misilitseqqittoqalerpat.

Misilitsinnernut naammassinikunut inassuteqaqqinneq nalinginnaasumik marloriaannarluni pisinnaavoq. Inassuteqaqqinneq taamaallaat pisinnaavoq naliliisoqarpat angusinngilaq; Fx imaluunniit F (GGS-skala).

Annertunerpaamik ilinniarnernup sivilissusissaa

Annertunerpaamik ilinniarnernup sivilissusigissavaa ukiut 6, taamaattumik inaarutaasumik misilitsinnissaq sioqqullugu modulit akuerisaasimassapput/angusiffiusimassapput, taamaasilluni inaarutaasumik misilitsinneq ukiut 6 iluani naammassineqassaaq (misilitseqqinnerit imaluunniit napparsimalluni soraarummeerneq kingornatigut pisinnaapput).

7. Atuartitseriaatsit aamma suleriaatsit

Ilinniagaq ilaatigut qallunaatut ilaatigullu kalaallisut ingerlanneqassaaq - atuartitsisut aallaavittut qallunaatut oqaaseqassapput, sungiusarnerilli eqimattani minnerni kalaallisut ingerlanneqarsinnaapput. Atuakkat teoriillu amerlanerpaartaat aamma qallunaatut allassimassapput, ilaatigullu kalaallisut allatat, nalunaarusiat il.il. ilanngunneqassapput, soorlu aamma allatanik atugassanik tuluttut allassimasunik takkuttoqarsinnaasoq. Allattariarsorluni suliasat aallaavittut qallunaatut tunniunneqartassapput.

Atuartitseriaaseq siuariartornermut projektinullu sammiveqassaaq, saqqummeeriaatsillu assigiinngitsut atorneqassallutik, soorlu ass. Oqaluttariarsorneq, allattariarsorneq aamma assinik videonillu atuneq. Tamatumani ilinniartut peqataanissaannik sulinerminnullu misilittakkaminnik ilanngussisarnissaannik annertuumik imaqqarpoq. Ilinniagaq ilinniartut peqataanissaannut inuttullu piumassuseqarnissaanut annertuumik piumasaqaatitaqqarpoq, atuartitsinermi ilinniartup sulinermi namminerlu inuunera ilanngunneqarsinnaammat, tamatumani ilinniartuq qanimut isumaqatigiissuteqarfigineratigut. Aammattaaq sulissutigineqarpoq inuttut sulisutut ineriartornissaq, ilinniartunut ilinniakkap saniatigut sulinerminni ilikkakkaminnik sulinissamat periarfissiisumik, soorlu ilinniartut ataasiakkaat nammineq sullinniakkaminnut itisiliinerusumik isiginnittaatsikkullu sulissuteqassasut.

Teoriimi atuartitsineq sapinngisaq naapertorlugu ilinniartup sulineranut qanimut atassuserniarneqassaaq, kiisalu suleriaatsit periutsillu atorneqartut tapersersussallugit aamma/imaluunniit naleqqiussussallugit, taamaasilluni ilinniartup perorsaanermi suleriaatsit assigiinngitsut ilisimasaqarfigilissava. Ilanngullugu ilisimatusarnermi teoriimi isiginniffiit assigiinngitsut kiisalu perorsaanermik suliaqarnermut atatillugu sulinermi ileqqorissaarneq ilanngunneqassapput.

Modulini teoriimik sammisaqarfiusuni kiisalu nammineq ilinniarnerni eqimattani assigiinngitsumik angissusilinni sulisoqartassaaq - holdi tamakkerneqarsinnaavoq imaluunniit ilinniartut ataasiakkaarsinnaallutik. Ilinniartut ilinniarnertik tamakkerlugu nunap immikkoortuaniinneq imaluunniit

najugaq apequtaatillugu eqimattaqassapput, naapittarlutik atuakkanillu eqqartuisarlutik, kiisalu namminneq najukkaminni sulinerminnit misilittakkanik avitseqatigiittarlutik. Eqimattat aamma taakku modulit akornanni angerlarluni suliassanik suliaqartassapput. Siunertaavoq modulit ataqqatigiississallugit kiisalu modulini atuariatortarnerit ulluinnarni sulinermit atassusissallugit, taamaasilluni ilikkariatorneq annertuumik nuukkiartuaarsinnaalluni.

Pisariaqarfiini internettikkut atuartitsineq atorneqartarsinnaavoq. Modulini takkulluni najuuffissani atuartitsinermit ilassutaasinnaavoq. Modulit atuartitsiffiusut akornanni aqutissiuussineq utertitsiffiqarneqerlu internettikkut neqeroortugineqassapput, soorlu ilinniartut internet atorlugu eqimattakkaarnermi suliassanik pilersaaruserlutillu naapittarsinnaasut.

8. Naliliineq

Ilinniartoq ingerlaavartumik naliliinermit peqataatinneqassaaq, tassani siunertaalluni ilinniakkap pitsaassusaanik kiisalu peqataasut ataasiakkaat ilikkariatorneannik uppersaanissaq ineriartortitsinissarlu. Naliliinermi anguniagaavoq ilinniartup teoriimi kiisalu sulinermi ilikkariatugai erseqqissassallugit. PI/SPS-ip naliliinerup annertussusaa ilusaalu aalajangersassavaa, aallaavittut modulit atuartitsiffiusut nalaani imaluunniit kinguninguini.

9. Ilinniarnermi takkuttussaataaneq peqataanerlu

Ilinniartup ilinniakkani naammassissaguniuk modulinit tamanut takkuttussaataavoq taakkunanilu peqataassalluni. Pisariaqarpat ungasianit saqqummiinermit peqataanissamut isumaqatigiissusiortoqarsinnaavoq, atuartitsinerli aallaavittut peqataaffigisassatut aqqissuunneqarpoq.

Modulini peqataasimannginnermi ilinniartoq kinguussaanerminut malinnaaniassaguni immikkut sulisariaqarpoq. Pissutsini immikkut ittut, takkutinnginnermit pissutaasut pillugit allakkatigut immikkut akuerineqarnissaq qinnutigineqarsinnaavoq, tassani atuartitsisut isumaqatigiissutiginerisigut takkutinnginnerit taarsiunneqarnissaat periarfissaalluni.

10. Merit aamma pisussaajunnaarsitsineq

Ilinniarfimmil, professionsbachelorit qaffasissusilimmik ilinniakkamik neqeroorfiusuni ilinniarfigisimasat angusiffiqarsimasut, piginnaasakinnerusunik perorsaanerup iluani ilinniakkamik neqeroorfiusuni ilinniarfinni allani ilinniarfigisat naleqqatigaat.

Ilinniarfiup tamatuma saniatigut pisuni ataasiakkaani imaluunniit ilinniarnerp aqqissugaanerani inatsinik ilinniarfimmil aalajangersaaffiqartunik akuersissutigisinnaavaat, Danmarkimi imaluunniit nunami allami ingerlariaqqiffiusumik ilinniarfimmil ilinniakkat naammasseriikkat, tamanna pillugu inatsisit malillugit angusiffiqarsimasut, ilinniakkanut imaluunniit ilinniakkap ilaanut taarsiullugit atuutissapput. Ilinniakkat eqqorneqartut akornanni naligiinnerinik suliatigut naliliineq tunngavigalugu aalajangiiffiqineqassapput.

Ilinniarfik ilinniakkap ilaanut meritimik tunniussisinnaavoq, tamatumani qinnuteqarnermit tunngavioq qanimut immikkullu misissoreerneratigut.

Ilinniarfik aamma immikkut ilinniarnermik aqqissuussisinnaavoq imaluunniit ilinniartoq fagit ilaanut imaluunniit fagit imaasa ilaanut pisussaajunnaarsisinnallugu, nakorsap nalunaarutaatigut uppersarneqarpat, ilinniartup peqqissutsini tunngavigalugu ilinniagaq, matuma ataani misilitsinneq nalinginnaasumik imaluunniit tamakkiisumik naammassisinnaangikkaa.

Qinnuteqarnikkut modulit ataasiakkaat naammassineqarsimanerinit uppersaammik anillatsisioqarsinnaavoq

11. Ilinniarunnaarallarneq

Ilinniarfik ilinniartut ilinniarunnaarallarsinnaanerat pillugu aalajangersakkanik aalajangiinikuvoq, ilinniakkallu ingerlanera aaqqissugaaneralu pissutigalugit ilinniakkami matumani ilinniarunnaarallarnissaq akuersissutigineqarsinnaangilaq.

12. Immikkut akuersissuteqarnermut aalajangersakkat

PI/SPS ilinniarnep aaqqissugaanerani inatsisini immikkut akuersissuteqarsinnaavoq, suliffeqarfinni neqeroorfiusunit taamaallaat aalajangiiffigineqartunik, pissutsit immikkut ittut tunngavilersuutigineqarpata. Rektorip akuersissuteqarneratigut ilinniakkami inatsisit allat immikkut akuersissuteqarfiusinnaapput.

13. Naammagittaalliutit

Ilinniartut misilitsinnernut imaluunniit ilinniarnep nalaani pissutsinut allanut naammagittaalliutaat, pisup naammagittaalliutaasup pineranit kingusinnerpaamik ullut 14-t qaangiuppata PI/SPS-imut nassutereerneqarsimassapput.

Misilitsinnerit pillugit naammagittaalliut Inuussutissarsiuutinik ilinniarfinni soraarummeertarnerit pillugit Namminersorlutik Oqartussat nalunaarutaanni nr. 4, 18 marts 2015-imeersumi inatsisit malillugit suliarineqassaaq.

14. Ilinniarnermi aqutissiuunneqarneq

Ilinniarnermi aqutissiuussinermik ilinniartuq ilinniakkamik toqqaaneranit ilinniakkamik naammassinninnissaata tungaanut tapersorsorneqassaaq, tassungalu piumasaqaataavoq ilinniarnermi aqutissiuussisup ilinniartullu tungaannit saaffiginnittarnissaq.

Ilinniarnermi aqutissiuussinermik siunertaavoq ilinniartup ilinniarnermi ingerlanerani saqqumilaarnissaa, kiisalu nammineq ilikkariartornermut atugarissaarnermullu atatillugu toqqakkanik tunngavilersugaasunik aalajangiinissamut periarfissat annertusarnissaat.

Peqatigitillugu ilinniarnermi aqutissiuussisoq tapersorsortasussatut periarfissanut allanut imaluunniit oqartussaasunut naleqquttunut aqutissiuussillunilu attaveqaataasinnaavoq.